



NORGES VASSDRAGS- OG ENERGIDIREKTORAT (NVE)

Postboks 5091 Majorstua
0301 OSLO

Dykkar referanse	Vår referanse	Sakshandsamar	Dato
202202956-3	2025/561-7	Sture Helle	08.04.2025

Høyringsfråsegn- Småkraftverk - Tyssebotn kraftverk NVE saksnr. 202202956-3

Osterøy kommune syner til NVE sitt brev av 21.02. 2025, Referanse 202202956-3 med invitasjon til å gje høyringssvar, frist 09/04/2025.

Høyringa er handsama i Osterøy Heradstyre den 03/04/2025, og det er gjeve slikt høyringssvar:

Vedtak i Heradsstyret - 03.04.2025 av sak 21/2025 Høyringsvar - Småkraftverk - Tyssebotn kraftverk:

Osterøy kommune gjev slikt høyringssvar:

Høyring av søknad om Tyssebotn kraftverk – høyringssvar frå Osterøy kommune

Osterøy kommune syner til NVE sitt brev av 21.02. 2025 – Dykkar referanse 202202956-3 – med invitasjon til å gje høyringssvar. Kommunen har fylgjande merknader:

Det er stor trong for meir magasinkraft i Norge, og Osterøy kommune motset seg ikkje det, heller ikkje i vår kommune. Samstundes er det viktig at det i konsesjonsprosessen vert gjort grundige vurderingar av inngrepa utbygging vil medføre, tatt stilling til om alternative utbyggingsmåtar er meir skånsame og stilt vilkår om avbøtande tiltak dersom utbygging vert bestemt.

Om konsesjonssøknaden

Post

Postboks 1 5293 LONEVÅG

post@osteroy.kommune.no

Kontakt

eDialog:

<https://min.kommune.no/s/864338712>

Org.nr.: 864 338 712

Besøksadresse

Rådhuset

Geitaryggen 8, LONEVÅG

Telefon: 56192100

Kommunen er kritisk til deler av konsesjonssøknaden. Landbruks, natur-, friluft- og kulturminneverdiane i Tyssebotn og innverknaden tiltaket har på dei er underkommunisert. Søknaden gjev heller ikkje eit dekkande bilete av nosisasjonen kring Nedre Botnavatnet. Vi syner på dette punktet til kommunedirektøren si saksutgreiing som fylgjer vedlagt og vil særskilt framheve:

- På austenden av Nedre Botnavatnet – i Tyssebotn – ligg ein gard med to tun frå om lag år 1600 med slåttemark og innmarksbeite. Den planlangde vegen til kraftstasjonen vil gå over garden. Det er eit skjemmande og uheldig inngrep.

- Den planlangde vegen vil også gå gjennom eit mykje brukt og verdifullt turområde – med sti til Tyssebotn og vidare til Høgafjellet.

- Det er aktiv stølsdrift i vestenden av Nedre Botnavatnet med to stølshus, fjøs og kokehus for geitost produksjon.

- Det er mykje aure i Nedre-Botnavatn, men skrinns bestand i Øvre Botnavatn.

- Det går veg på sydsida av Nedre Botnavatn, nesten inn til Tyssebotn. Denne er ikkje omtalt i konsesjonssøknaden.

Vurdering av alternativ plassering av veg og kraftstasjon

Osterøy kommune meiner at konsesjonssøkar og NVE bør vurdere om eksisterande veg kan oppgraderast, rassikrast, forlengast og takast i bruk til tiltaket, heller enn å etablere ny veg på nordsida av vatnet. Dette vil redusere naturinngrep, inngrep i landbruksareal og kulturminne. For det tilfellet at dette vert aktuelt, må gardsbruk og begge stølar i området få bruksrett til vegen.

Det bør også vurderast å plassere kraftstasjonen på sydsida av elva som kjem ned frå Øvre Botnavatn heller enn på nordsida. Ei slik plassering er meir skånsam med tanke på slåttemarka og dei to bruka i Tyssebotn.

Avbøtande tiltak

Uavhengig av kva alternativ som vert valt for ei eventuell utbygging av kraftstasjon og veg, er det naudsynt med avbøtande tiltak. Både under og etter anleggsarbeid må det takast omsyn til :

-Landbruk, medrekna slåttemark, stølsdrift og beitebruk

-Friluftsinnteresser, til dømes stiar, minstevassføring og estetikk relatert til vegar og anlegg

-Fiskebestanden, med fokus på betre gytetilhøve i både Øvre og Nedre Botnavatn, minstevassføring og definerte bekkar inn i vatnet

-Jakt, anleggsarbeida bør søkast gjennomført på ei tid då det ikkje kjem i konflikt med jakttida.

Med helsing

Sture Helle

sakshandsamar

Dette dokumentet er elektronisk godkjent og har difor ingen signatur.

Vedlegg

- 1 Saksprotokoll Høyringsvar - Småkraftverk - Tyssebotn kraftverk

